

Íyo n̄a kuvi chintieé tá'án xí'in-ún átu kökuvi cha'vi-ún x̄á ve'e n̄ú íyo-ún saá chi xíka kué'e COVID-19

Átu níka-ún x̄u'un x̄á ve'e n̄ú íyo-ún ra átu ntí'i ini-ún chi kún̄i n̄a x̄it̄o' taxín-n̄a yó'o, ná kunt̄a ini-ún ñ̄a íyo un̄i ichí.

- **ÍYO NA KUVI CHINTIEÉ TÁ'ÁN-N̄A XÍ'IN-ÚN NÁ CHA'VI-ÚN X̄Á VE'E N̄Ú ÍYO-ÚN.** Íyo kuá'á ve'e n̄ú estado yó'o n̄ú kuvi chintieé tá'án-n̄a xí'in n̄a yuví ná cha'vi-n̄a x̄á ve'e n̄ú ntée-n̄a. Kuví k̄'ān-ún xí'in-n̄a ná kunt̄a ini-ún n̄axa kuví sákutú-ún tutu ná chintieé tá'án-n̄a xí'in-ún ra saá tu kuví k̄'ān n̄a x̄it̄o' ve'e-ún xí'in-n̄a.

Yó'o íyo tutu ñ̄a k̄'ān x̄á tá iin ve'e n̄ú chintieé tá'án-n̄a xí'in n̄a yuví:

<https://www.commerce.wa.gov/serving-communities/homelessness/eviction-rent-assistance-program/>

Átu kúmaní x̄inu-ún 25 kuȳa, ná k̄'ān-ún xí'in n̄a ve'e n̄ú chintieé tá'án-n̄a xí'in n̄a kuáchi ra xí'in n̄a îtiá ná cha'vi-n̄a x̄á ve'e n̄ú ntée-n̄a. Yó'o íyo tutu ñ̄a k̄'ān x̄á-ñ̄a: <https://www.commerce.wa.gov/serving-communities/homelessness/youth-and-young-adult-eviction-rent-assistance-program/>

- **ÍYO VE'E N̄Ú CHINTIEÉ TÁ'ÁN-N̄A XÍ'IN N̄A YUVÍ NÁ KOO YU'Ú-N̄A.** Kuví k̄'ān-ún xí'in n̄a ve'e n̄ú chintieé tá'án-n̄a xí'in n̄a yuví ná koo yu'ú-n̄a ra saá tu kuví k̄'ān n̄a x̄it̄o' ve'e-ún xí'in-n̄a. Íyo ve'e ikán ntisaá condado. N̄a ve'e ikán kuví chintieé tá'án-n̄a xí'in n̄a yuví tá kún̄i n̄a x̄it̄o' taxín-n̄a-n̄a. Yó'o íyo tutu ñ̄a k̄'ān x̄á-ñ̄a: [resolutionwa.org/locations](https://www.resolutionwa.org/locations)

- **ÍYO NA KUVI KUNTICHI-N̄A X̄Á-ÚN N̄Ú N̄A NTÍSO CHIÑU Ñ̄UU YÓ'O.** N̄a yuví n̄a ntáki'in estampilla á iinka x̄u'un ñ̄a táxi n̄a vechiñu xí'in n̄a yuví n̄a ntá'vi – n̄a sákanáa lo'o ka \$25,760 x̄á iin n̄a yuví á \$53,000 x̄á k̄omí n̄a yuví – kuví ntukú-n̄a ná chintieé tá'án iin abogado xí'in-n̄a átu ntúkú n̄a x̄it̄o' ve'e-ún ná taxín n̄a vechiñu yó'o. Ná k̄'ān-ún xí'in n̄a xí'in número 855-657-8387 á sákutú-ún tutu n̄ú internet xí'in tutu yó'o [nwjustice.org/apply-online](https://www.nwjustice.org/apply-online).

Ná ka'vi-ún tutu internet n̄a x̄ikuá'á n̄ú n̄a íntichi x̄á ñ̄a vechiñu estado yó'o

Tīa n̄a Office of the Attorney General (n̄a sáchiñu xí'in n̄a x̄ikuá'á n̄ú n̄a íntichi x̄á ñ̄a vechiñu) kuá'á tutu x̄á tu'un n̄a vechiñu ra tīa-n̄a-ñ̄a xí'in kuá'á tu'un k̄'ān n̄a yuví. Tutu ikán k̄'ān x̄á ntisaá ñ̄a yó'o xí'in x̄á n̄tīayu n̄a chá'vi ntée-n̄a ve'e iinka n̄a yuví. Kuví ka'vi-ún tutu-n̄a yó'o [atg.wa.gov/landlord-tenant](https://www.atg.wa.gov/landlord-tenant).

Ná k̄'ān-ún xí'in número 2-1-1 x̄á iinka kuénta ñ̄a kökúvi cha'vi-ún

Ná ka'vi-ún tutu internet [wa211.org](https://www.wa211.org) á k̄'ān-ún xí'in número 2-1-1 ra saá kuví k̄'ān-ún xí'in n̄a yuví n̄a kuví kachi-n̄a yoo kúú n̄a kuví chintieé tá'án-n̄a xí'in-ún ná cha'vi-ún x̄á ñ̄a tá tu'un ñ̄u'u ntáyé'e n̄ú-ún chin ñ̄a kuxi-ún chin kuénta internet chin tá kúú ntí'i ñ̄a x̄a x̄iniñú-ún.